

21. maj 2008

Inatsisartut suleriasianni § 36, imm. 1 malillugu ima Naalakkersuisunut apequteqaateqarpunga:

Suliniutit suut Naalakkersuisut aallartissimavaat aatsitassarsiornermi suliat amerliartortut sulisussaqaarniarnikkut ikorfartorniarylugit? Naalakkersuisut akissutiminni ilanngutissavaat Sanaartornermi Ilinniarfimmi pikkorissarnerit aatsitassarsionermut attuumassuteqartut ukiumut pikkorissartarsimasut amerlassusaat aammalu minnerunngitsumik Naalakkersuisut qanoq iliuuseqarnerisut periarfissat qaarmarsaaffiginiarylugit, uani assersuutingalugu suliffissaaleqisunik ilinniarteqqiineq imaluunniit innutaasut akornanni soqutiginninneq naliginnaasoq pissarsiariniassallugu.

(Inatsisartuni Ilaasortaqa Marie Fleischer, Attaviittoq)

Tunngavilersuut:

Kalaallit Nunaanni sulisartoqarnikkut nuannaarutissaavoq aatsitassarsiornerup iluani ukiuni aggersuni suliffissarpassuit taamannakkaat ilimagineqarmata. Oqallinnermi eqqaaneqareertutuut suliffinniit allaninngaanniit aatsitassanik suliffinnut pissusissamisoorutut ikaariartortoqassasoq, ilaatigut aalisarnermi suliffinninngaanniit.

Inuutissarsiummiit kulturikkut nukittusuumiik inuutissarsiummut nutaajupajaartumut ikaarneq ajornanginnerpaaffimmiitsinniarlugu pingaaruteqarpoq Kalaallit Nunaanni pingaartissagipput innuttaasut piginnaasanik tulluuttunik suliffinnik tigusinissamut amingaataasunik neqeroorfigisinaanissaat.

Nammineerlunga immikkut sammisimavara Kalaallit Nunaanni tikisitat pinngittoorsinnaanngikkigut pissutigalugu kalaallit sulisinnaasut amerlassutimikkut suliassat kivinnissaannut naammannginnamik, assersuutigalugu sanaartornermi ullumikkut sulisussanik amingareertumi.

Suliffissat tamaasa kivissinnaannginneranik nassuerutiginninneq isumaqassanngilarli asuli issiaannarluta aatsitassat tungaatingut atorfiit amerlanersaat sulisunik allamiunik ikkussuiffigissagigut.

Sisimiuni Sanaartornermik Ilinniarfik ukiuni kingullerni amerlasuuni pikkorissaanerit ineriartortissimavaat ilaatigut qaarusummi sulisartunut. Atuarfik ilisimasanik katersuiffiulluarpoq nunatsinnilu angerlarsimaffeqartunut sulisussaqaarniarnermi ajunngitsumik sunniuteqarluni.

Inatsisartuulluni soqutiginarpoq paasissallugu ukiuni kingullerni aatsitassanut sammisaqarsimaneq annertoq pikkorissartunik amerlanerusunik kinguneqarsimanersoq imaluunniit Naalakkersuisut nittarsaassinernik anginerusunik aallartitsissanersut – soorlu immikkoortortaqaarfiit ingerlaavartumik innuttaasunut paasissutissanik paasititsiniaasartut

Naggataatigut aamma paaserusunnarpoq nunani ineriartorfiusuninngaanniit suliartortut tikisitat suliffinni assigiinngittuni qanoq aningaasarsiaat angissuseqartarnerisut kalaallit sulisunut assersuullugit. Annikittumik akissarsiaqartitsineq suliffeqarfinnut aatsitassarsiortunut pilerisaarutaassanngilaq kalaallit sulisut atornagit nunani ineriartorfiusuninngaanniit sulisunik akikitsunik tikisitsinissamut.

Apequteqaatinnut akissuteqaatit ullut suliffiusut qulit qaangitsinnagit tiginissaat kissaa-tigaara.

Marie Fleischer
Attavittoq